

和
1602
3



門 16
1602
卷 3



柳文卷之九

表銘碣誄

唐相國房公德銘之陰



天子之三公稱公王者之後稱公諸侯之入為王卿士亦曰公有土封其臣稱之曰公尊其道而師之稱曰公楚之僭凡為縣者皆曰公古之人通謂年之長老曰公故言三公若周公召公王者之後若宋公為王卿士若衛武公虢文公鄭桓公其臣稱之則列國皆然師之尊若太公楚之為縣者若葉公白公年之長老若毛公申公涪涪公而大臣罕能以姓配公者雖近有之然不能著也唐之大臣以姓配公最著者曰房公房公相元宗有勞于蜀人咸服其

卯文

卷之九

節相肅宗作訓於岐人咸尊其道惟正直慈愛以成於德
用是進退所居而事埋辯所去而人哀號理袁人袁人不
勝其懷焉文士趙郡李華銘公之德亂故不克立今刺史
太原王涯嘉公之道猶在乎人人不忘公之道爲之刻石
且曰川之南有亭曰需宴亭公之爲也人之思也乃增飾
棟宇卽而立焉州人大悅咸會隕涕言曰昔公以周召之
德微子之仁有土封以爲卿士道爲三公德爲國師年爲
元老嘗爲縣縣懷其化至於州州濡音如其澤凡公子孫罔
不戴慕盛德之詞文而不刻更刺史數十莫克興起乃卒
歸於王公王公嘗以機密斥天子於禁中承公之道刺於
我邦由公之理又能尊公之德起遺文以昭前烈則其入

爲卿士三公也孰曰不宜吾懼其去我也遽願書於銘之
陰用永表於邦之良政

國子司業陽城遺愛碣

四年五月皇帝以銀印赤紱卽隱所起陽公爲諫議大夫
後七年廷諍懇至累日不解帝尤嘉異遷爲國子司業旌
直優賢道光師儒又四年九月己巳出拜道州刺史太學
生魯郡李儻廬江何蕃等百六十人投業奔走稽首闕下
叫闥籲天願乞復舊朝廷重更其事如己巳詔翌日會徒
北嚮如初行至延喜門公使追奪其章遮道願罷遂不果
獻生徒嗷嗷顧眄徘徊昔公之來仁風扇揚暴傲革面柔
輒有立聽聞嘉言樂甚鐘鼓瞻仰德宇高逾嵩岱及公當

職施政示人準程良士勇善偽夫去飾情者益勤誕者益
恭沈酗腆酒斥逐郊遂違親三歲罷退鄉黨今未及下乞
歸就養者二十餘人禮順克彰孝悌以興則又講貫經籍
俾達奧義簡習孝秀俾極儒業冠屨裳衣由公而嚴進退
揖讓由公而儀公征甚遐吾黨誰師遂相與咨度署吏布
告諸儒願立貞珉侔高狀明乃訪於學古之士紀公名字
垂憲於後公名城字亢宗家於北平隱於條山惟公端粹
冲和高嶷懿醇道德仁明孝愛友弟薰襲里閭布聞天下
守節貞固患難不能遷其心怡性坦厚榮位不足動其神
爲司諫議震於周行爲司業愛加於生徒宜乎立石俾後
是憲其辭曰

惟茲陽公履道葆醇爰初隱聲覆篲基仁德充而形乃作
諫臣抗志勵義直道是陳帝求師儒貳我成均開朗蒙滯
宣明德教大和潜布元機密照羣生聞禮後學知孝進退
作則動言是傲匪公之軌人用奚蹈龕厲貪凌待公順之
欺偽譎詐待公信之少年申申咸適其宜榎楚廢弛尊嚴
而威公褒其良俾升于堂癯者旣肥榮如袞衣公棄不用
懲咎內訟旣訟于內猶公之誨匪仁孰親匪德孰尊今公
于征孰表儒門生徒上言稽首帝闈謂天蓋高曾莫我聞
青衿涕濡填街盈衢遠送于南望慕踟躕立石書德用揚
懿則嗚呼斯文遺愛罔極

唐故給事中皇太子侍讀陸文通先生墓表

孔子作春秋千五百年以名爲傳者五家今用其三焉秉
觚牘焦思慮以爲論注疏說者百千人矣攻訐狠怒以辭
氣相擊排冒沒者其爲書處則充棟宇出則汗牛馬或合
而隱或乖而顯後之學者窮老盡氣左視右顧莫得其本
則專其所學以訾其所異黨枯竹護朽骨以至於父子傷
夷君臣詆悖者前世多有之甚矣聖人之難知也有吳郡
人陸先生質以其師友天水啖助洎趙匡能知聖人之旨
故春秋之言及是而光明使庸人小童皆可積學以入聖
人之道傳聖人之教是其德豈不侈大矣哉先生字某旣
讀書得制作之本而獲其師友於是合古今散同異聯之
以言累之以文蓋講道者二十年書而志之者又十餘年

其事大備爲春秋集注十篇辯疑七篇微指二篇明章大
中發露公器其道以生人爲主以堯舜爲的苞羅旁魄膠
羈下上而不出於正其法以文武爲首以周公爲翼揖讓
升降好惡喜怒而不過乎物旣成以授世之聰明之士使
陳而明之故其書出焉而先生爲巨儒用是爲天子爭臣
尙書郎國子博士給事中皇太子侍讀皆得其道刺二州
守人知仁永貞年侍東宮言其所學爲古君臣圖以獻而
道達乎上是歲嗣天子踐阼而理尊優師儒先生以疾聞
臨問加禮某月日終於京師某月日葬于某郡某里嗚呼
先生道之存也以書不及施於政道之行也以言不及覩
其理門人世儒是以增慟將葬以先生爲能文聖人之書

楊文通於後世遂相與諡曰文通先生後若干祀有學其書者過其墓哀其道之所由乃作石以表碣

唐故兵部郎中楊君墓碣

貞元十九年正月某日守尚書兵部郎中楊君卒某月日葬於奉先縣某原既葬其子姪洎家老謀立石以表於墓葬合曰凡五品以上為碑龜趺躄首降五品為碣方趺圓首其高四尺按郎中品第五以其秩不克偕降而從碣之制其世系則紀於大墓君諱凝字懋功與季弟澣生同日不周月而孤伯兄憑剪髮為童家居於吳太夫人母道尊愛教飭謹備君之昆弟孝敬出於其性禮範奉於其舊克有成德輯其休光東溥海岱南極衡巫文學者皆知誦其

詞而以為模準進脩者率用歌其行而有所矜式君既舉進士以校書郎為書記毗贊元侯於漢之陰式徙荊州由協律郎三轉御史元戎出師用顯厥謀遂入王庭為起居郎書法不回著垂國典又為尚書司封員外郎革正封邑申明嫡媵事連權右斥退勿憚直聲彰聞仍參選部以馭羣吏姦臣席勢威福自己他人求附離_{麗音}而不可得者公則卻之私以胥吏求署一皆罷遣曰吾不以三尺法為己利害居喪致哀內盡其志外盡其物而無有不得於心者服除為右司郎中危言直已以致其誠然卒中於誠辭不得朝請以檢校吏部郎中為宣武軍節度判官毫人缺守往莅其政孤老撫安強猾戮死懇鑿境鹵芟艾榛荒作爰

田以贍人食濬決潢汙築復堤防爲落渠以定水禍理不
半歲利垂千祀會朝復命次於汴郊帥喪卒亂不可以入
遂西走闕下璽書迎門勞徠甚備以疾居家三年復登於
朝遐邇咏歌仍遇痼疾天子致問於三月不賜告幸其愈
而用之遂卒天下文行之士爲之悲哀嗚呼君有深淳之
行有強毅之志內以和於親戚正於族屬外以信於朋友
施於政事故身之進退人之喜戚繫焉凡其昆弟申明於
朝制書咸曰孝友君子謂楊氏其仁義之府君之文若干
什皆可以傳於世若某者以姻舊獲愛不腆之文君實知
之惟車馬幣玉無可以稱其德用君之所以知者酬焉

故御史周君碣

有唐貞臣汝南周氏諱某字某以諫死葬於某貞元十二
年柳宗元立碣於其墓左在天寶年有以諂諛至相位賢
臣放退公爲御史抗言以白其事得死於墀下史臣書之
公之死而佞者始畏公議於虛古之不得其死者衆矣若
公之死志匡王國氣震姦佞動獲其所斯蓋得其死者歟
公之德之才洽於傳聞卒以不試而獨申其節猶能奮百
代之上以爲世軌第令生於定哀之間則孔子不曰未見
剛者出於秦楚之後則漢祖不曰安得猛士而存不及興
王之用沒不遭聖人之歎誠立志者之所悼也故爲之銘
銘曰
忠爲美道是履諫而死佞者止史之志石以紀爲臣軌兮

唐故衡州刺史東平呂君誄

維唐元和六年八月日衡州刺史東平呂君卒爰用十月二十四日藁葬於江陵之野嗚呼君有智勇孝仁惟其能可用康天下惟其志可用經百世不克而死世亦無由知焉君由道州以陟爲衡州君之卒二州之人哭者逾月湖南人重社飲酒是月上戊不酒去樂會哭於神所而歸余居永州在二州中間其哀聲交於北南舟船之下上必呱呱音孤然蓋嘗聞於古而觀於今也君之志與能不施於生人知之者又不過十人世徒讀君之文章歌君之理行不知二者之於君其末也嗚呼君之文章宜傳於百世今其存者非君之極言也獨其詞耳君之理行宜及於天下今

其聞者非君之盡力也獨其跡耳萬不試而一出焉猶爲當世甚重若使幸得出其什二三巍然爲偉人與世無窮其可涯也君所居官爲第三品宜得諡於太常余懼州史之逸其辭也私爲之誄以志其行其詞曰

麟死魯郊其靈不施濯濯夫子故絜其儀冠仁服義干櫓音魯書詩忠貞繼佩智勇承綦音其跨騰商周堯舜是師道不勝禍天固余欺鬼神不怒妖孽咸疑何付之德而奪其時嗚呼哀哉命姓惟呂勤唐以力輔寧萬邦受胙爾國維師元聖周以降德世征五侯伊祖之則嗣濟厥武前書是式至于化光爰耀其特春秋之元儒者咸惑君達其道卓焉孔直聖人有心由我而得敷施變化動無不克惟理惟公

舒文以翼宣于事業與古同極道不苟用資仕乃揚進于
禮司奮藻含章決科聯中休問用張署讎百氏錯綜逾光
超都諫列屢皂其囊帝殊爾能人服其智戎悔厥禍欵邊
求侍盛選邦良難乎始使君登御史贊命承事風動海隅
皇威以致來總征賦甲茲郎吏制用經邦時推重器諸臣
之復周官匪易漢課牋奏解云能備君自他曹載出其技
筆削自任羣儒草議正郎司刑邦憲爲貳紂佞肅邪諂諛
具畏遷理于道民服休嘉恩疎若昵惕邇如遐實聞其閤
而撫于家載其愉樂申以舞歌賦無吏迫威不刑加浩然
順風從令無譁繇蠶外邑我爾盈車雜耕隣邦我黍之華
既字其畜亦藝其麻磬鼓斯屏人喜其多始富中教興良

廢邪考績既成王用興嗟陟于嶽濱言進其律號呼南竭
謳謠北溢欺吏悍民先聲如矢逋租匿役歸誠自出兼并
既息罷羸乃逸惟昔舉善盜奔于隣今我興仁化爲齊人
惟昔富人或賑之粟今我厚生不竭而足邦思其弼人戴
惟父善胡召災仁胡罹咎俾民伊祐而君不壽矯矯貪凌
乃康乃茂嗚呼哀哉廩不餘食藏無積帛內厚族姻外賙
賓客恒是懸罄逮茲易簣僮無凶服葬非舊陌嗚呼哀哉
君昔與余講德討儒時中之奧希聖爲徒志存致君笑詠
唐虞揭茲日月以耀羣愚疑生所怪怒起特殊齒舌嗷嗷
雷動風驅良辰不偶卒與禍俱直道莫試嘉言罔敷佐王
之器窮以郡符秩在三品宜謚王都諸生羣吏尙擁良圖

故友咨懷累行陳墓是旌是告永永不渝嗚呼哀哉

唐故尚書戶部郎中魏府君墓誌

魏氏世墓于某縣某原唐興有聞士諱之邊者與子及孫咸舉進士嗣爲儒家綿州涪城尉諱全瑤魏州臨黃主簿諱欽慈太常主簿諱緄音尚書膳部員外郎兼江陵少尹諱萬成凡五代名高而不浮于行才具而不得其祿江陵府君益之以閔達之量經緯之謀故豪士賢大夫痛慕加厚生郎中府君諱宏簡字曰裕之以文行知名既冠而德禮聞于鄉黨既仕而法制立於官政溫柔發乎外見而人莫不親直方存乎內久而人莫不敬由進士策賢良遽居科首授太子校書歷桂管江西福建宣歙四府爲判官副

使累授協律郎大理評事三爲御史賜緋魚袋在州六年而人樂之廉使崔衍曰吾敢專天下之士獨惠茲人乎遂獻于天子拜度支員外郎轉戶部郎中邦賦克舉人望逾重年四十七貞元二十年九月三十日不疾而歿震悼之聲遐邇一辭且曰斯人也而不得爲善之利中人其怠乎君嘗三娶而卒無主婦庭無倚廬堂無抱孤有令兄弟以主其喪有孝女以守其祀故哭于客位吊于殯東者咸加哀焉凡爲部從事府喪而當其位者三州缺而居其守者一皆得其理君之先再世貧不得葬故以祿仕遊於諸侯薄衣食損車馬凡十有餘祀卒獲于厥心其族屬之無主後者皆位於墓娣姪之無歸從者咸會于家由是處約以

終其世既歛家宰宅其政視廩唯釜鍾視藏唯束帛無餘積焉十有一月遣車歸于洛師某日祔于墓監察御史柳宗元聞其道而翫其文也久居又同開故哀而銘之其辭曰

郎中之道惟直是保淳泊坦厚溫恭孝友郎中之文惟孝是宣溥暢周流炳蔚紛綸爲周賢能爲漢賢良始仕讎校篇籍有光仍授使檄許謨用揚二居郎位征賦以理休聲載起顯命伊始生而不壽孰知其止歿而不嗣孰濟其美有嗣其旗爰舉裳帷行道遲遲望墓而歸象物是宜卜筮孔時里人作銘不愧于辭

唐故朝散大夫永州刺史崔公墓誌

維元和五年九月十五日壬子永州刺史崔公薨于位享年六十八乙未殯于路寢景寅遷神于舟以某年某月日歸葬于某縣某原祔于皇考吏部侍郎贈戶部尙書府君之墓尙書諱漪元宗南巡內禪聖嗣府君以謀畫定命起一旅以復天下厥功載焉尙書之先曰貴鄉丞贈太常少卿府君諱子美太常之先曰揚州江都丞府君諱道禎行高位卑華冠士族公諱某字某承世德之清源浚之以蠲絮以端其志承羣言之枝葉植之以茂實以脩其能始由右千牛備身佐環衛更音盤音屋音三原藍田尉仍有大故三徙同位繼授許州臨潁汝州龍興令推以直道二邑齊風哥舒曜尹河南鯨寇猾鷲黎人播越表公尉河南糗糧

芻蕘戎備畢給版圖田洫民事時又遷揚州錄事參軍實
吳楚之大都會也政令煩拏貢奉叢沓一日不省鑄譙四
至公爲之優游有裕長史司徒杜公與之揖讓異於賓僚
入爲太子司議郎拜歸州刺史巖險湍悍人類鳥獸古號
難理公克有聲遷永州刺史朝敵大夫惟是南楚風浮俗
鬼戶爲胥徒家有禳禳音大者虐鰥孤以盜邦賦毆愚蒙
以神訛言悖于政經莫有禁禦公於是脩整部吏黜侵凌
牟漁者數百人以付信于下而征貢用集擒戮妖師毀君
蒿淫昏者千餘室以舉正羣枉而田閭克和寬以容物直
以率下邦人方安其理招紳猶鬱其望體魄遽降哀何有
窮嗚呼公前夫人徐州參軍滎陽鄭鉅女有子曰義和早

天後夫人萬年尉范陽盧彤女嘉淑之德繼聞宗族有子
曰貽哲貽儉克勤于家洎公之兄子曰勵曰禮誠願志于
墓無忘公之德銘曰

孰爲德門清河濟源遠哉法法世有顯懿揚其清芬煥炳
增萃昭于後昆惟魴與鯉舊史是尊孰爲茂功尙書清風
藹其有融勃焉而興披草從龍布令諸夏敷和六戎赫矣
太陽克昇于中孰爲惠政公嗣餘慶彤于謠咏小程其功
大遂其性點吏是省妖風以正于邑于邦哀揚休命孰爲
遺愛公去昭代邦人斯瘳音始焉是賴今也何戴孰葬我
公于洛之會何以銘之徽音不昧

故永州刺史崔君權厝誌

博陵崔君由進士入山南西道節度府始掌書記至府留
後凡五徙職六增官至刑部員外郎出刺連永兩州未至
永而連之人愬君御史按章具獄坐流驩州幼弟訟諸朝
天子黜連帥罷御史小吏咸死投之荒外而君不克復元
和七年正月二十六日卒孤處道泊守訥奉君之喪踰海
水不幸遇暴風二孤溺死七月某日柩至于永州八月甲
子藁葬于社壇之北四百步崔氏世嗣文章君又益工博
知古今事給數敏辨善謀書南敗蜀虜西遏戎師其慮皆
君之自出後餌五石病瘍且亂故不承于初今尙有五丈
夫子夫人河東柳氏德碩行淑先崔君十年卒其葬在長
安東南少陵北君以竄沒家又有海禍力不克耐三年將

復故葬也徒志其一二大者云

鯢爲祖煜爲父世文儒積彌厚簡其名子敬字年五十增
以二葬湘澁音非其地後三年辭當備

唐故萬年令裴府君墓碣

公諱瑾字封叔河東聞喜人太尉公諱行儉實高祖侍中
公諱光庭實曾祖刑部員外郎府君諱稹實祖大理卿府
君諱儼實父公由進士上第校書崇文館飭館事脩整左
春坊由是立署局後叅京兆軍事按覆校巡大尹恒得以
取直爲太常主簿搜逃疑互探抉遞隱宿工老師不得伏
匿皆來會堂下耆股肱役喉喙以集樂事作坐立二部伎
圖卿奇其績奏超以爲丞司空杜公聯奉崇陵豐陵禮儀

再以為佐離紛尤導滯塞關百執事條直顯遂司空拱手
 以成自開元制禮諱去國恤章累聖陵寢皆因事學綴取
 一切乃已有司卒無所徵公乃撰二陵集禮藏之南閣轉
 殿中侍御史仍拜尚書比部員外郎會校成要葺歲畢具
 刺金州決高施隙去人水禍渚芟原茅闢成稻梁陟萬年
 合叢劇辨肅談宴終日人視之若居冗官然會金州猾吏
 來揚言恐喝以煩喪事曰不得三十萬吾能為禍公大怒
 召罵之恣所為吏巧以聞御史按章具獄再謫道州循州
 為左掾會赦量移吉州長史元和十二年七月日病疴詩
 切泄卒始公以唯諾聞長安中奔人危急輕出財力如索
 水火性開蕩進交大官不視齒類挾同列收下輩細大畢

歡喜博奕知聲音飲酒甚少而工於紉謠舞擊丑毬洛
 織屑促密皆曲中節度而終身不以酒氣加人晝接人事
 夜讀書考禮收摺策牘未嘗釋手以是重諸公間初娶范
 陽盧氏無子後夫人柳氏德為九族冠生三男子喪其二
 焉貞元十六年某月日卒嗣于長安御宿之北原冢子銑
 奉柩以明年月日克葬于墓銑以文書來柳州告其叔舅
 宗元願碣于墓左則涕為之銘其辭曰
 有鬱其馨惟裴之卿世服大僚仍耀烈名封叔申之實惟
 其英讎書宮闈佐職于京太常命吏以能增秩相儀考禮
 大弁斯畢鳩工展伎爰備聲律或圖或書藏之府室史于
 柱下郎於會司徼循以周大比是宜作牧于金金人允懷

柳文卷之九終
溝防漢澼塹都念沃卒核增我歲食易其芋魁游手閒民
相顧聚來徵爲萬年治劇于都百務叙成談宴以娛誰恤
誰恃不忍悍吏胡巧其辭按章以遂由道斥循施施三年
更赦進資廬陵是遷人曰世德宜慶于延又曰良能宜力
之宣朝有大賚期賜其還鬼神不享命隕在前長原有墓
高曾祖父叔靈是祔封爰歸左右惟具孤銑磨石所辭
海陬遂升其趺于道之

柳文卷之九終

柳文卷之十

誌

唐故中散大夫檢校國子祭酒兼安南都護御史中
丞充安南本管經略招討處置等使上柱國武城縣
開國男食邑三百戶張公墓誌銘并序

漢光中興馬援雄絕域之志晉武一統陶璜布殊俗之恩
理隨德成功與時並今皇帝載新景命不冒海隅時惟公
祇復厥績交趾之理續于前人公諱某字某某郡人也曾
祖彥師朝散大夫尚書駕部郎中祖瑾懷州武德縣令考
清朝議郎試大理寺丞贈右贊善大夫咸有懿美積爲餘
慶公以忠肅循其中以文術昭于外推經旨以飾吏事本

柳文

卷之十

法理以平人心始命斬州斬春主簿音會敏給厥音外
聲顯揚仍以左領軍衛兵曹爲安南經略巡官申固扞衛
有聞彰徹轉金吾衛判官三歷御史績用宏大揚于天庭
加檢校尙書禮部員外郎換山南東道節度判官復轉郎
中爲安南副都護賜紫金魚袋充經略副使遷檢校太子
右庶子兼安南都護御史中丞充本管經略招討處置等
使公自爲吏習於海邦凡其比較勤勞利澤長久去之則
夷獠音皓稱亂復至而寇攘順化及受命專征得陳嘉謨
誓拔禍本納於夷軌乃命一其貢奉平其歛施牧人盡區
處之方制國儲刑體之法道阻而通百貨地偏而具五人
儲侍音維委積師旅無庚癸之呼繕完板榦控帶兼戎己之

位文單環王怙力背義公於是陸聯長轂海合滕臆再舉
而克殄其徒廓地數圻以歸于我理烏蠻酋帥負險茂德
公於是外申皇威旁達明信一動而悉朝其長取州二十
以被于華風易皮弁以冠帶化姦究爲誠敬皆用周禮率
由漢儀公患浮海之役可濟可覆而無所恃乃剡連鳥以
闢坦途鬼工來并人力罕用沃日之大束成通溝摩霄之
阻他力若切爲高岸而終古蒙利公患疆場之制一彼一此
而不可常乃復銅柱爲正制鼓鑄旣施精堅是立固圉之
下明若白黑易野之守險逾邱陵而萬世無虞竒琛良貨
溢于王府殊俗異類盈于藁街優詔累旌其忠良太史嗣
書其功烈就加國子祭酒封武城男食邑三百戶凡再策

勲至上柱國三增秩至中散大夫某年月薨于位年若干
天子震悼傷辭有加明年其孤某官與宗人號奉裳帷率
其家老咨于叔父延唐令某卜宅于潭州某原塋用某月
某日人謀皆從龜兆襲吉乃刻茲石著公之闕以志于邱
窀樞續充以告于幽明銘曰

周限荆衡秦開百粵交州之治炎劉是設德大來服道消
自絕伏波南征漢威載烈宛陵北附晉政爰發我唐流澤
光于有截皇帝中興武城授鉞肅肅武城惟夫之哲更歷
毗贊顯揚彰徹既受休命秉茲峻節度其謀猷守以廉潔
厚農薄征匪緇匪桀通商平貨有來肯說踐止跨海堅其
鶴列制器足兵潰茲蟻結烏蠻屈服文單剪滅柔遠開疆

會朝天

闕銅柱乃復環山以砮

敕列

海無遺迹音寇罔踰

越琛賚

徐刃切

之獻周于窮髮帝嘉成德載旌茂闕增秩策

勲土封

斯裂位厄元侯年虧大耄邦人號呼夷裔悽咽卜

塋長沙

運岡啟穴書銘薦辭德音罔缺

唐改邕管經略招討等使朝散大夫持節都督邕州

諸軍事守邕州刺史兼御史中丞賜紫金魚袋李

公墓誌銘并序

公諱某字某實惟文皇帝之元孫別子曰承乾爲皇太子
以藩愛逼奪危慄致禍後封恒山爲愍王贈荊州大都督
繼別曰象斬春郡太守贈越州大都督郇國公太宗曰玼
太子詹事贈祕書監生廩與翼二音尙書左丞凡四代有土田

居貴仕公丕承之以率南服克荷天休繼有功德公始以
通經入崇文館登有司第選同州叅軍入佐金吾衛進太
僕主簿叅引大駕府移爲左右神策行營兵馬節度以爲
推官拜監察御史賜緋魚袋凡二使其率皆范司空希朝
進殿中侍御史湖南都團練判官以寬通簡大輔治得中
道府遷主後事師人愛慕欲以貞元故事爲請公恐懼抑
留復從浙東爲都團練副使轉侍御史又從浙西如其職
加著作郎凡三使其率皆薛大夫萃刺岳信二州得劉向
祕書以能卒化黃白日召徒試術爲仇家上變就鞫無事
勅笞殺告者猶降建州司馬陟刺泉州會烏嶺夷刺殺郡
吏毆縛農民詔以公都督邕州兼御史中丞賜紫金魚袋

爲經略招討使既至則弢它刀切弓橐甲去斥候禁部內無
敢以賊名使得自泮濯諸酋長咸頓首送款故虜獲輸稅
奉貢願比內郡人遣子吏都督所人復耕稼無有威刑居
五月頃有黑螭鼓江流壞北岸直城南門覆船殺人然後
去父老泣曰吾公其殆矣嘗合永流黃丹砂爲紫丹能入
火不動以爲神服之且十年然卒以是病暴下赤黑數日
薨實元和十三年六月十五日年五十七僚宰庀事有緹
音五兩無金銀泉具幾不克歛夷人號呼致幣歸以明年
月日葬附其穆長安西南高陽原上夫人陳氏先公十五
年沒父雲亦都督邕州終孤孟輿愿且文亞曰仲權次曰
季謀年自九歲以下有兩壻博陵崔行儉勁峭有立志榮

陽鄭師貞敏捷能羣皆聞名銘曰

文濬維祥實亘實延家讒不嗣宗以支傳郇公克庸詹事
繼賢湜湜左丞惟道之宣公寬且惠以教則順互叅戎政
二佩郡印師歡民愛克懷以信設辭告訕卒白其訊烏猗
猖狂盜海剽山帝命平南迭彼羣蠻虎龍煌煌英蕩是將
舟之金玉以為公服公既莅止告以文理推義赴仁殲弓
服矢闕是垣壘完其父子復我邦賦弛予卒士貌不功矜
情不伐喜蠻人涕懷投刃以俟方底成績蟲孽告妖悍石
構災升屋而號平音推音追音介音卉裳來賻來觀臚臚鱗原耐
之顯魂松柏芊芊封域安安代有高墳堯文之孫

唐故邕管招封副使試大理寺直兼貴州刺史鄧君

墓誌銘 并序

君諱某字某南陽人漢司徒禹之世也曾祖倚皇運州普
城令祖少立皇滄州司馬考邕皇左武衛兵曹叅軍惟君
敏給以御下廉忠以承上幹蠱之稱治于諸侯信謹之跡
彰于所莅故自始仕以至沒世未嘗無聞焉初以試太常
寺奉禮郎更職于劔南湖南江西前後連帥咸器其能以
柄于事于劔南則亭擬閱實以循官刑盡哀敬之情致淑
問之頌寬猛之適克合于中於湖南則外按屬城內專平
準蒞音壙人錫石之地叅鳧氏鼓鑄之功溢山告祥國用
益贍吏無並緣以巧法人無怨讟音讀以苦役凡處斯職莫
能加焉於江西則旁緝傳置下繩支郡俾無有異政以一

於詔條財賦之重待君而理無何邕州經略使路公恕奏
署試大理評事兼貴州刺史叅帷幕之任董龜虎之威夷
俗敬愛革面受事朝廷將以武定南服命安南檢校御史
中丞趙良金爲邕州復以君兼招討判官錄其異能奏加
司直昇招討副使兼統橫廉貴三州事厯茸之下直道有
立犷悍之內義威必行賦增而不擾法一而無憾然以憂
慄間於多虞卒成耳目之塞遂致齒牙之猾元和五年五
月二十一日疾卒于公館年五十五年某月日返葬于
潭州某原夫人隴西李氏大理評事練之女年三十三貞
元十六年終于郴州有子四人曰贊曰某贊十三年矣哀
禮具焉京兆尹弘農公始由湖南爲江西再以君爲從事

知之最厚痛君之能不施于劇任惜君之志見屈于羣疑
且以誌授宗元使備其闕古者觀其所使而知在上之德
今也觀其所使而知在下之誠嗚呼可無辭乎銘曰
曼姓之裔司徒隆漢惟君是承有植其幹始屬奉常出參
藩翰議讞西蜀平其狴犴巡視南楚總茲條貫貿遷化居
貨殖攸贊改煎鎔範貢輸增筭旣飭財賦亦專傳館去牧
荒陬肅其聽斷斂攘以息暴戾斯道行非選事進不避難
始賴其寧終聞見憚疾與憂積志隨魄散年極中身塋茲
高岸才耶命耶君子興歎

呂侍御恭墓銘

呂氏世居河東至延之始大以御史大夫爲浙東道節度

大使延之生渭爲中書舍人尙書禮部侍郎刺湖南七州
生四子温恭儉讓以温爲尙書郎再贈至右僕射恭字敬
叔他名曰宗禮或以爲字實惟吕氏宗子尙氣節有勇略
不事小謹讀從橫書理陰符握機孫子之術曰我師尙父
胄也大父洎先人咸統方岳今天下將理平蔡充冀幽洎
戎猶負命蚤夜呼憤以爲宜得任爪牙畢力通天子命作
文章咸道其志云又曰由吾兄而上三世世爲進士吾爲
文不墜教戒獨武事未克纘厥緒因棄去從山南西道節
度府掌書記預謀畫不甚合以試守軍衛佐加協律郎入
薦爲長安主簿復出以監察御史參江南西道都團練軍
事府表進殿中侍御史爲桂管都防禦副使元和八年去

桂州相國尙書鄭公遜音假嶺南道節度判官至廣州病
瘖音瘖加瘖音六月二十八日卒妻裴氏戶部尙書延齡
女有丈夫子三人曰爽曰瓌曰特女子三人曰環曰鸞曰
倩皆幼行於道而倩又死遂以柩如洛陽附塋於大墓欵
志吕氏世仕至大官皆有道宜興于世温洎恭各爲豪傑
知者以爲是必立王功活生人不幸温刺衡州年四十卒
恭未及理人年三十七又卒世固有其具而不及其用若
温恭者耶恭貌竒壯有大志信善容物宜壽考碩大而又
不克吕氏之道惡乎興路曰

颯颯音之風乎不可追有志之大乎今安歸吕君去我死
乎吾誰依

唐故嶺南經略副使御史馬君墓誌

元和九年月日扶風馬君卒命于守龜附于先君食上塋
明年某月庚寅亦食其孤使來以狀謁銘宗元刪取其辭
曰君凡受署往來桂州嶺南江西荆南道皆大府凡命官
更佐軍衛錄王府事番禺合江陵戶曹錄府事監察御史
皆爲顯官凡佐治由巡官判官至押番舶使經略副使皆
所謂右職凡所嚴事御史中丞良司徒佑嗣曹王臯尙書
曹尙書伯儀尙書昌皆賢有勞諸侯其善事凡管嶺南五
府儲峙出卒致穀以謀叶平哥舒晃假守州邑民以便安
殄火訛殺去聲吏威海鹽增筭邦賦大減所至皆用是理年
七十不肯仕曰吾爲吏逾四十年卒不見大者今年志慮

耗終不能以筋力爲人羸縮因罷休以經書教子弟不問
外事加七年卒君始以長者重許與聞凡交大官皆見禮
司徒佑嘗以國事徵顧謂君曰願以老母爲累受託奉視
優崇至忘其子之去君諱某字某曾祖某某官祖某某官
父某某官嗣子隴西李氏出曰徵由進士爲右衛曹曹早
沒次四子皆京兆韋氏出曰倣曰倣曰敏曰庭女一人嫁
柳氏壻曰宗一其銘曰

不懈于位不替于謀慮履以平撫民以蘇僭火不孽悍吏
不牟惟寶于鹽亦贏其籌公以忠施私以義躋既至于年
乃靜于懷衣柔膳甘子侍孫攜觀經考古教道斯齊克壽
克樂嗚呼終哉于陰之原爰位其墓千萬子孫來拜來附

唐故安州刺史兼侍御史貶柳州司馬孟公墓誌銘
 孟氏之孤曰遵慶奉其父命書九篇為善狀一篇來告曰
 月日君薨月日將葬于某敢請刻辭嗚呼公自假左贊善
 大夫柏王司馬太常少卿為義成軍中軍兵馬使其帥魏
 國公孰為宰相命公左領軍衛將軍事德宗順宗今上立
 朝九年加朝議大夫居喪曾用兵于趙起復居故官為左
 神策行營先鋒兵馬使知牙而趙兵罷不受祿去金革服
 喪終期命安州刺史仍加侍御史安州防遏兵馬使貶柳
 州司馬公嘗佐魏公平襄陽靖梁州立義成軍魏公宏大
 恢奇公能以任軍政是以又為衛將軍虔恭潔廉動得禮
 節伐趙之役堅立堡壘誓死麾下法制明具權力無能移

進不避患退不敗禮安州迫寇攘多戎事政出一切吏以
 文持之故貶明年用兵于蔡朝廷諸公泊外諸侯咸以公
 為請未及微氣乘肺溢為水浮膚而卒年六十惟公志專
 于中貌嚴于外嘗立廷中毅然望之若圖形刻像聞國難
 輒不寢食謀度憤叱陟駕切以故病不可治曾祖某官諱某
 祖某官諱某父某官諱某公之諱曰常謙子遵慶弟曰某
 銘曰

魯仲孫氏其世為孟賁勇光武軻儒紹聖公傳師法以訓
 戎政執稽以庸咸致厥命濟濟于朝冕服以光墨非從政
 終役復喪忠孝孔明君子攸彰昔者雲中六級下吏公刺
 于安法亦可議黜伏南荒豪士獻欵聞難以激去食廢寐

神垂氣離支膈莫遂廷臣進言侯伯拜章帝命將施俄仆于京代山九九植柏與松其名惟何忠孝孟公

故連州員外司馬凌君權厝誌

年月日尙書都官員外郎和州刺史連州司馬富春凌君諱準卒于桂陽佛寺先是六月告于州刺史博陵崔君曰余嘗學黃帝書切脉視病今余肝伏以濇音色腎浮以代將不臘而死審矣凡余之學孔氏爲忠孝禮信而事固大謬卒不能有示乎世者命也臣道無以明乎國子道無以成乎家下之得罪于人以謫徙醜地上之得罰于天以降彼罪疾余無以禦也敢以鬼事爲累又告爲老氏者某曰余生于辰今而寓乎戌辰戌衝也吾命與脉叶其死矣乎吾

罪大懼不克歸柩于吾鄉是州之南有大岡不食吾甚樂焉子其以是葬吾及是感如其言云孤夷仲求仲以其先人之善余也勤以誌爲請嗚呼君字宗一以孝悌聞于其鄉杭州刺史嘗召君以訓于下讀書爲文章著漢後春秋二十餘萬言又著六經解圍又文集未就有謀略上氣節調人之急出貨力猶棄枇粃年二十以書干丞相丞相以聞試其文曰萬言擢爲崇文館校書郎又以金吾兵曹爲邠寧節度掌書記涇之亂以謀畫佐元戎常有大功累加大理評事御史賜緋魚袋換節度判官轉殿中侍御史父喪罷職後遷侍御史爲浙東廉使判官撫循罷音疲人按驗汙吏吏人敬愛厥績以懋粹然而光聲聞于上召以爲翰

林學士德宗崩邇臣議秘三日乃下遺詔君獨抗危詞以語同列王伾畫其不可者十六七乃以旦日發喪六師萬姓安其分遂入爲尙書仍以文章侍從由本官叅度支調發出納姦利衰止以連累出和州降連州居母喪不得歸而二弟繼死不食哭泣遂喪其明以沒蓋君之行事如此其報應如此夫人高氏在越孤四人南仲殷仲在夫人所未至執友河東柳宗元哀君有道而不明白于天下離慙逢尤天其生且又同過故哭以爲志其辭哀焉銘曰噫凌君生不淑學孔氏楊芬郁好謀謨富天祿讎禁書贊推轂觀靈龜獲貞卜徙東越翊明牧罷人蘇汚吏覆升侍從躬啟沃匡危疑興大福吏尙書徒隸肅佐經邦財用足

道之躋身則辱烏江垂九疑麓仍禍凶邁茲酷能知命無怨毒罪不泯死猶修何以塋南嶺曲魂有靈故鄉復封茲壤歸骨肉爲之銘志陵谷

故嶺南鹽鐵院李侍御墓誌

天寶中詔李氏由涼武昭王以下皆得籍宗正故沂州刺史福以姑臧人附屬于寧岐爲族曾祖生樂壽令昱昱生虢州司馬叶世以儒聞叶生鹽察御史澣字濯纓明兩經仕歷永興臨晉尉會天子方事誅伐南平蔡北復趙西走戎東討齊魯五年間兵征卒戍糴行千里凡進用唯財賦爲難君以試大理評事佐荆南兩稅使督天下諸侯之半調食饒給車繫舟連又守湖南鹽鐵轉運院以能遷官移

嶺南益積功勞以介厲敦勤爲率羣吏先年五十三元和十三年月日卒妻廬江何氏凡五世世鄭出父曰士鏐季父曰士幹有大名君之子二人曰夔曰導女一人曰某夔導皆幼不能事何夫人哭且戒柩行萬里人咸觀其禮焉

葬伊闕用明年某月日甲子銘曰

涼爲帝基克顧厥允皇宏國謀四邑顯進沂以屬尊世仕倚儒憲憲濯纓亦用學徒旣穀旣官式懋爾勞四方用師卒食之饒致其廉介率是諸侯于荆于交關石是鈞邦有休功惟吏之勤冀施于大以盡其有孰司壽夭君不克久吉日來耐伊闕之墓子嗣孫承有達宜興銘詔于神永永是徵

柳文卷之十終

柳文卷之十一

誌

故試大理評事裴君墓誌

裴氏之昭

音韶

曰贈戶部尙書諱某穆曰起居郎諱某生均

州刺史諱某均州與其弟大理更爲刑部郎用文史名於

朝善杜禮書長子曰某射進士策不中去過汴韓司徒弘

字即宏迎取爲從事以聞拜太子通事舍人進大理評事當

伐蔡及鄆音運汴常爲軍首贊佐有勞旣事將侍太夫人于

京師道發疽元和十四年月日終于河南敦厚里年若干

字曰某弟某以其喪歸葬于某縣某里未果娶有男子二

人女一人男子長曰某通兩經始杖且廬銘曰

世守不遷秀士鄉不利有司爰客于梁梁委其躬乃相
戎政宮臣理屬仍受國命南宮北曹五載首兵柔剛輔理
平視太平馬牛既寧告養于京饒車草草我來周道載饑
載勞神奪其孝形經于洛魏其焉如庶終爾誠陰侍里閭
膳飲不違有弟之恭既安且盈厥志斯從銘之故人以慰爾衷

故大理評事柳君墓誌

晉之亂柳氏始分曰晉爲汝南守居河東又五世曰慶相
魏魏相之嗣曰曰仕隋爲黃門侍郎其小宗曰楷至于唐
刺濟房蘭廓四州楷生夏縣令府君諱繹繹生司議郎府
君諱遺愛皆蓋長安之陵原遺愛生御史府君諱開堊南
陽其嗣曰寬字存諒讚其世書揚于文辭南方之人多諷

其什頗學禮而善爲容修吏事始仕家令主簿進左驍衛
兵曹試大理評事爲嶺南節度推官荆南永安軍判官府
罷爲游士出桂陽下廣州中厲氣嘔泄卒於公館元和六
年八月七日也年四十七前娶琅邪王拱子拱國子祭酒
後娶河東裴陵子陵告成合裴氏之出曰裴七君之從弟
以君之喪歸過零陵哭且告于宗元曰吾伯兄從事嶺南
其地多貨其民輕亂能以簡惠和柔匡弼所奉假守支郡
海隅以寧鬪很仇怨敦諭克順從公于荆綏戎永安仍專
郡治政用休阜是時蜀寇始滅邦人瘡痍懷君之澤咸忘
其痛其理也惠而不施之于大其行也和而不至于年其
言也文而不顯其聲今將以某月日耐堊苟又不得合辭

而誌焉是無以蓋前人之大痛敢固以請嗚呼余懼辭之不令以爲神羞余曷敢不諾銘曰

柳族之分在北爲高充于史氏世相重侯中書之世寔曰蘭州夏縣政良司議德優營營御史乃佐元侯惟君是嗣其政克脩儲闈補吏環衛分曹南越之龐從事以寧永安披攘薦仍于兵是董是經既柔且平浩浩呻呼革爲和聲胡不使壽而奪之齡柩于海墻而緣切壙于鄧邦厥弟孔哀惟行之恭呱音孤呱小子纒而不廬充充令妻髻則瓜切首而居烏獸號嗚助我踟躕刻此悲辭藏之奧隅

故秘書郎姜君墓誌

秘書郎姜萼音謬字某開元皇帝外孫也始楚國公皎與上

游益貴幸子慶初得尙某公主生粵粵生三日上曰他物無以餉吾孫卽勅有司以第六品告與緋衣銀魚得通籍出入凡名是官七十某年終不徙然其間在蜀漢荆楚以大諸侯命守州邑輒以勞稱時缺則復命好游嗜音以生貴富畜妓能傳中聲賢豪大夫多與連歡後加老風病手足奇音畸右可用不能就官士有載酒來則出妓搏髀笑戲觀者尙識承平王孫故態元和十四年月日終桂州都督御史中丞裴公曰噫帝戚也塋不可以廉爲具物祭以豚酒月日塋州東南一里子某年若干母曰雷姬銘曰始賤終貴于世爲遂幼榮老窮在物爲凶均之得喪誰缺誰豐若君者銀朱于始生鐘鼎以及壯不矍矍于進取不

施施于驕伉左絃右壺樂以自放雖老而客死未嘗戚乎
已與夫拳拳恐悻蒙誥負義得之拘拘榮不蓋愧以終其
身而不能止者不猶優乎

亡友故秘書省校書郎獨孤君墓碣

嗚呼有唐仁人獨孤君之墓耐于其父太子舍人諱助之
墓之後自其祖贈太子少保諱問俗而上其墓皆在灞水
之左今王父營陵于其側故再世在此嗚呼獨孤君之道
和而純其用端而明內之爲孝外之爲仁默而智言而信
其窮也不憂其樂也不淫讀書推孔子之道必求諸其中
其爲文深而厚尤慕古雅善賦頌其要咸歸于道昔孔子
之世有顏回者能得于孔子後之仰其賢者譬之如日月

而莫有議者焉嗚呼獨孤君之明且仁如遭孔子是有兩
顏氏也今之世有知其然者其信于天下乎使夫人也天
而不嗣世之惑者猶曰尙有天道噫乎甚邪君諱申叔字
子重年二十二舉進士又二年用博學宏詞爲校書郎又
三年居父喪未練而沒蓋貞元十八年四月五日也是年
七月十日而葬鄉曰某鄉原曰某原嗚呼君短命行道之
日未久故其道信於其友而未信於天下今記其知君者
于墓韓泰安平南陽人李行謹元固其弟行敏中明趙郡
贊皇人柳宗元河東解人崔廣略清河人韓愈退之昌黎
人王涯廣津太原人呂溫叔東平人崔羣敦詩清河人
劉禹錫夢得中山人李景儉致用隴西人嚴休復元錫馮

羽人章詞致用京兆杜陵人

故襄陽丞趙君墓誌

貞元十八年月日天水趙公矜年四十二客死于柳州官
爲歛塋于城北之野元和十三年孤來章始壯自襄州徒
行求其塋不得徵書而名其人皆死無能知者來章日哭
于野凡十九日唯人事之窮則廢于卜筮五月甲辰卜秦
南有貴神冢土是守乙巳于野宜遇西人深目而髯其得
實因七日發之乃覩其神明日求諸野有叟荷杖而東者
問之曰是故趙丞兒耶吾爲曹信是邇吾墓噫今則夷矣
直社之北二百舉武吾爲子蒞祖悅焉辛亥啟土有木焉

發之緋衣緞衾凡自家之物皆在州之人皆爲出涕誠來
章之孝神付是叟以與龜偶不然其協焉如此哉六月某
日就道月日塋于汝州龍城縣期城之原夫人河南源氏
先沒而耐之矜之父曰漸南鄭尉祖曰倩之鄆州司馬曾
祖曰弘安金紫光祿大夫國子祭酒始矜由明經爲舞陽
主簿蔡帥反犯難來歸擢授襄城主簿賜緋魚袋後爲襄
陽丞其墓自曾祖以下皆族以位時宗元刺柳用相其事
哀而旌之以銘銘曰

訓也挈之信也蒞之有朱其絳神具列之懇懇來章神實
恫汝錫之老叟告以兆語靈其鼓舞從而父祖孝斯有終
宜福是與百越綦綦羈鬼相望音忘有子而孝獨歸故鄉涕

盈其銘旌爾勿忘

故溫縣主簿韓君墓誌

有唐故溫縣主簿韓慎字某漢弓高侯其先也徙于南陽
傳世至今唐侍中諱瑗克用貞亮奮于國難侍中兄子郢
州刺史諱某某生御史著作郎諱某某生尚書庫部郎中
萬州刺史諱某嗣以文行大其家業君萬州長子也以父
任爲建陵挽郎累調授王府參軍襄州襄陽尉至于是邑
貞元十六年又調于天官署河陽丞未拜十有一日暴病
卒于長安永崇里先人之廬又十有一日龜策襲吉附于
咸陽洪瀆原先人之墓禮也先三日外姻家老謀爲之志
季弟泰哀不能文故託于友焉嗚呼生也以其弟之恭知

君之爲友沒也以其弟之感知君之爲愛惟友愛出于孝
移于忠施于人事無往不達余故得愛其辭書于石曰
友而愛而忠孝宜之貌稱其行行稱其詞賤而不壽爲善
是悼耐于祖考初筮攸告季也之純寘哀無垠終窶且貧
控于仁人備物稱家其儀式陳爰相其悲載刻茲珉

東明張先生墓誌

東明先生張氏曰因嘗有以文薦於天子天子策試甚高
以爲長安尉一年投去印綬願爲黃老術詔許之居東明
觀三十餘年受畢法道行峻異得衆真秘書訣錄聚經籍
圖史伴於麟閣以第回降秩封州先生曰吾老矣支體不
可解也遂從以去明年回之子襲死哭之慟遂病旣亟以

命回曰吾生天寶訖貞元乙酉歲十月今死于汝之手盈
吾志矣京師吾生也畢原先人之歸也必以返葬乃自為
誌而卒明年正月某日葬如其言弟子某等為碑以誌于
墓辭曰

匪祿而康匪爵而榮漠焉以虛充焉以盈言而不為華光
而不為名介潔而周流苞涵而清寧幽觀其形與化相冥
寂寞以成其道是以勿嬰世皆狂奔利死名我獨浩浩
端一以生或曰先生友弟以遁慈幼以死若不能忘情者
何耶吾曰道去友耶去慈耶從容以求其得之耶盪莽狼
倖道之非耶且夫虧恩壞禮枯槁顛顛音焦隳聖圖壽離
中就異歟計勿切然與神鬼為偶頽然以木石為類倥侗而

不實窮老而無死先生之道固知異夫如此也乃書于石
以紀

虞鳴鶴誄

維某年月日前進士虞九臯字鳴鶴終于長安親仁里既
克塋于高陽原二三友生皆至于墓哀其行之不昭于世
追列遺懿求諸后土申薦嘉名寔曰恭甫乃作誄曰
吳虞之分爰宅上陽其後優游在越為鄉延詡輔漢恢定
封疆東徙之賢時惟仲翔曰預曰喜在晉克彰義篤斯文
有苾其芳秘書多能垂耀于唐泊于漢陽世德以昌毗贊
尚父休徽用揚惟我先君並時翺翔治主記室蔚其耀光
實契伯仲永永不忘漢陽元子寔紹其美傳襲儒風彪炳

文史克恭以孝惟禮是履譽洽于鄉論爲秀士百郡之選
叢于京師昧沒騰藉乘凌蔽欺生之始至則奮其儀退默
以謙人悅而隨名卿是挈先進咸推方出羣類振耀于時
禍丁舅氏漂渝海沂捧訃號呼匍匐增悲喪有幼主禮或
多遺孰徇于名而不是思投袂就道乘艱若儀竭誠喪具
申敬裳帷萬里來復祇耐于墓遽不凌節儉而有度由其
溫恭守以貞固行道咨嗟觀禮興慕復從鄉賦煥發其華
克不再舉聞于邦家倚閭千里歡咏斯多姻族盈門載笑
且歌君之不淑各立志沮慶歸其鄉身終逆旅生死已間
壽觴方舉賀書在途委骨歸土哀歡易地弔慶交尸神胡
不仁降此大苦嗚呼哀哉惟昔夏首羈貫相親通家脩好

講道爲鄰旣冠于阡思致其身升于司徒乃爾繼年交歡
二紀莫間斯言愉乎其和確爾其堅更爲砥礪咸去韋弦
今則遽曰吾其缺然嗚呼哀哉誅行謀謚惟古之道生而
無位沒有其號惟是友生徘徊顧悼爰用壹惠幽明是告
溫溫其恭惟德之經先民有作今也是旌嗚呼恭甫欽此
嘉名

故處士裴君墓誌

河東聞喜裴君諱某字某好學未仕年若干元和十四年
月日終于京兆渭南墅君之弟中丞公督桂州命其僚柳
宗元以銘君之出河間邢羣以來告曰曾祖諱某寧州刺
史贈戶部尙書祖諱某起居郎父諱某尙書刑部員外郎

議官及浮圖事獨出載在史冊以入使行天下當河北道
疑危頑很難處分之地用天子命制斷得宜于是爲第一
天下皆仰以爲相會疾終再贈至大理卿長老咸曰裴氏
世積德起居丞相弟也以文史用大理各世人咸聞而
不大君以友悌慤植承其休光幽而不揚豈天鍾美于中
丞嗇而不克並耶不然君無位以天其可問哉君前娶韋
氏成都少尹士謨女生二子字曰某名曰某以文敏中丞
公尤愛幸恒從不幸卒於桂林某舉明經後娶於薛氏無
子父宋位卑是年月日塋渭南某里遷韋夫人之喪自萬
年來有侯猶異室銘曰
疇之沃沃宜其嘉穀有耕有耨同施異祿明昭次穆丞相

之族尙書之孫大理之門有慶實延宜碩而繁不位不年
晦于邱園懿懿大理惟德之元權佞抑釋大史是論黜陟
異幽邦命以尊神嗇豐福不棄於君渭之洋洋爰墓其南
孝思是懷祖考之依郡人作銘惟相其哀

覃季子墓銘

覃季子其人生愛書貧甚尤介特不苟受施讀經傳言其
說數家推太史公班固書下到今橫豎鈎貫又且數十家
通爲書號覃子史纂又取鬻老管莊子思晏孟下到今其
術自儒墨名法至於狗彘草木凡有益於世者爲子纂又
百有若干家篤于聞不以仕爲事黜陟使其書以氏名
聞除太子校書某年月日死永州祁陽縣某鄉將死歎曰

寧有聞而窮乎將無聞而豐乎寧介而躓乎將溷而遂乎
墓其鄉後若干年柳先生來永州戚其文不大于世求其
墓以石銘銘曰
困其獨豐其辱

續榮澤尉周君墓誌

太傅公既志榮澤君之墓明年為中書侍郎同中書門下
平章以卒榮澤君之嗣曰膺備物具貨入于汴汴陷于戎
喪焉不果行會世難不幸膺亦死膺之亞曰太素仕至雲
陽令求其志將行謫南海上元和九年移信州中猶有累
不克如其鄉大懼緩慢茲久哭命其子某以某月日啟君
之喪至于某墓用某月甲子志用太傅公之辭又命河東

柳某書緩故且志終事之年月日

柳文卷之十一終

柳文卷之十二

表誌

先侍御史府君神道表

嗚呼先君之墓仲父殿中君誌焉孤宗元不敢稱道先德然而無以昭于外者用敢悉取仲父之所陳而繁其辭刻茲石表先君諱鎮字某六代祖諱慶後魏侍中平齊公五代祖諱旦周中書侍郎濟陰公高祖諱楷隋刺齊房蘭廓四州曾伯祖諱爽字子燕唐中書令曾祖諱子夏徐州長史祖諱從裕滄州清池令皇考諱察躬湖州德清令世德廉孝颺于河澨士之稱家風者歸焉先君之道得詩之羣書之政易之直方大春秋之懲勸以植于內而文于外垂

聲當時天寶末經術高第遇亂奉德清君夫人載家書隱
王屋山間去聲行以求食深處以脩業作避暑賦合羣從弟
子姓講春秋左氏易王氏衍衍無倦以忘其憂德清喜
曰茲謂遯世無悶矣亂有間去聲舉族如吳無以爲食先君
獨乘驢無僮御以出求仁者冀以給食嘗經山澗水卒至
流抵大壑得以無苦被濡塗以行無愠容觀者哀悼而至
禮加焉季王父六合君忤貴臣死於吏舍猶鞠其狀先君
改服徒行逾四千里告于上由是貸其問既而以爲天子
平大難發大號且致太平人罹兵戎農去耒耜宜以時興
太學勸耦耕作三老五更議籍田書齋沐以獻道不果用
授左衛率府兵曹參軍尚父汾陽王居朔方備禮延望授

左金吾衛倉曹參軍爲節度推官專掌書奏進大理評事
以爲刑法者軍旅之楨榦斥候者邊鄙之視聽不可以不
具作晉文公三罪議守邊論議事確直勢不能容表爲晉
州錄事參軍晉之守故將也少文而悍酣嗜殺戮吏莫敢
與之爭先君獨抗以理無辜將死常以身扞笞筆拒不受
命守大怒投几折筮而無以奪焉以爲自下繩上其勢將
殆作泉竭木摧詩終秉直以免於耻調長安主簿居德清
君之喪哀有過而禮不逾爲士者咸服服旣除喪吏部命
爲太常博士先君固曰有尊老孤弱在吳願爲宣城令三
辭而後獲徙爲宣城四年作闕音鄉令考績皆最吏人懷
思立石頌德遷殿中侍御史爲鄂岳沔都團練判官元戎

大攘狡虜增地進律作夏口破虜頌後數年登朝爲真會
宰相與憲府比周譴陷正士以校私讎有擊登聞鼓以聞
于上上命先君總三司以聽理至則平反之爲相者不敢
恃威以濟欲爲長者不敢懷私以請間羣寃獲宥邪黨側
目封章密獻歸命天子遂莫敢言逾年卒中以他事貶夔
州司馬作鷹鷂詩居三年醜類就殛拜侍御史制書曰守
正爲心疾惡不懼先君捧以流涕曰吾唯一子愛甚方謫
去至藍田訣曰吾目無涕今而不知衣之濡也抑有當我
哉作喜霽之歌副職持憲以正經紀貞元九年宗元得進
士第上問有司曰得無以朝士子言進者乎有司以聞上
曰是故抗奸臣竇參者耶吾知其不爲子求舉矣是歲五

月十七日終于親仁里第享年五十五七月某日葬于萬
年縣棲鳳原後十一年宗元由御史爲尙書郎天子行慶
于下申命崇贈而有司草創頗緩會宗元得罪遂寢不行
太夫人范陽盧氏某官某之女實有全德爲九族宗師用
柔明勤儉以行其志用圖史箴誠以施其教故二女之歸
他姓咸爲表式太夫人旣授封河東縣太君會冊太上皇
后于興慶宮旣乃宗元貶秩爲永州司馬奉侍溫清未嘗
見憂元和元年五月十五日終于州之佛寺享年六十八
嗚呼宗元不謹先君之教以陷大禍幸而緩于死旣不克
成先君之寵贈又無以寧太夫人之飲食天殛薦酷名在
刑書不得手開元堂以奉安耐罪惡益大世無所容尙頌

楊文 卷之十二
嗣續不敢卽死支綴氣息以嚴邦刑大懼祭祀之無主以
忝盛德敢用特牲昭告神道號叫萬里以畢其辭云

先君石表陰先友記

袁高河南人以給事中敢諫爭貞直忠蹇舉無與比能使
所居官大再贈至禮部尚書

姜公輔爲內學士以奇策取相位好諫諍免後以罪貶爲
復州刺史卒

齊映南陽人爲相以文敏顯用

嚴郢河南人剛厲好殺號忠能爲京兆河南尹御史大夫
善舉職爲邪險構扇以貶死

元全柔河南人氣象甚偉好以德報怨恢然者也爲大官

有上地入爲太子賓客

杜黃裳京兆人宏大人也善言體要爲相有牆仞不佞以
謀克蜀加司空出爲河中節度

劉公濟河間人厚寬碩大與物無忤爲渭北節度入爲工
部尚書卒

楊氏兄弟者安農人皆孝友有文章

憑由江南西道入爲散騎常侍

凝以兵部郎中卒

凌以大理評事卒最善文

穆氏兄弟者河南人皆強毅仁孝

贊爲御史中丞捍佞倖得貶後至宣池歛處置使卒

質為尚書郎以侍御史內供奉卒最善文

皇甫政河南人有威儀由浙東廉使為太子賓客

裴樞同郡人為御史天子以隱罪誅吏樞頓首願白其狀

以故貶後為尚書郎

李舟隴西人有文學俊辯高志氣以尚書郎使危疑反側

者再不辱命其道大顯被讒妬出為刺史廢痼卒

李鄴江夏人果檢目負嶷然善為官為御史中丞京兆尹

鳳翔節度

梁肅安定人最能為文以補闕修史侍皇太子卒贈禮部

郎中

陳京泗上人始為諫官數諫諍有內行文多詰訓為給事

中上方以為相會惑疾自刃廢痼卒

韓會昌黎人善清言有文章名最高然以故多謗至起居

郎貶官卒弟愈文益奇

許孟容吳人讀書為文口辯為給事中嘗論事由太常少

卿為刑部侍郎

李觀隴西人行義甚修至刑部郎中卒故與先君為三司

者也其大理者曰楊瑀瑀無可言猶以獄直為御史

宇文邈河南人有文謹慤人也為御史中丞齷齪自守然

以直免官復為刺史卒

袁滋陳郡人善篆書文敏不競為相出使辱命貶刺史復

為義成軍節度卒

盧羣范陽人雜博多所許與使反側之地天子以爲任事
爲義成軍節度卒

崔損清河人畏慎爲相無所發明然不害物天子獨愛幸
以損爲長者

鄭餘慶滎陽人再爲相始天下皆以爲長者及爲大官名
益少今爲尙書河南尹無恙

鄭利用餘慶從父兄也眞長者由大理少卿爲御史中丞
復由中丞爲大理少卿

李益隴西姑臧人風流有文詞少有僻疾以故不得用年
老常望仕非其志復爲尙書郎

王紆其弟紹太原人紹得幸德宗爲尙書在宰相之右今

爲徐泗節度紆有學術魯直爲尙書郎

路泌河南人以尙書郎使西戎番戎中度今已年八十餘
旣和戎十五年不得歸無爲言者

虞當會稽人爲郭尙父從事終沔州刺史以信聞
賈弁長樂人善士也爲校書郎卒

弟全至御史中丞

趙需天水人嗥嗥儒士也有名至兵部郎中卒

張式南陽人

張莒長山人

張惟儉宣城當塗人皆善言諱式至河南尹莒鄧州刺史
惟儉和州刺史

奚陟江都人柔敏至吏部侍郎世謂陟善宦然其智足自處也

盧景亮涿人有志義多所激發為諫官奏書如水赴壑坐貶廢棄甚久至順宗時為尚書郎升中書舍人卒

楊於陵宏農人善吏敏秀者也為中書舍人京兆尹張因某人舉詔策為長安尉願去官為道士甚有名以其弟回降封州曰吾老矣必死回也哭而行遂死封州

高郢渤海人有文章規矩自立者不干貴幸以太常為相罷居尚書

唐次北海人有文章學行義甚高以尚書郎出為刺史屏棄永貞中召以為中書舍人道病去長安七十里死傳

名

苗拯上黨人有學術峭直以諫議大夫漏泄省中語貶萬州卒

柳氏兄弟者先君族兄弟也最大并字百存為文學至御史病瞽遂廢次中庸中行皆各有文咸為官早死

柳登柳冕者族子也自其父芳善文火與冕並居集賢書府冕文學益健頗躁自吏部郎中出為刺史至福建廉使卒登晚仕至尚書郎祕書少監

薛丹同郡人至尚書郎

呂牧東平人由尚書郎刺澤州卒
崔積清河人至檢校郎官子羣為右補闕贈給事中

房敬河南人善清言由萬年令爲容州經略

于申河南人至尙書郎

常仲孺河南人今爲諫議大夫

蘇弁武功人好聚書至三萬卷與先君通書以戶部侍郎

貶復爲刺史

崔芑蒲紅切博陵人善言名理爲御史尙書郎

鄭元均滎陽人強抗少所推讓然以此多怨因不得位

辛憚隴西人有史學

韓衡昌黎人善士

陳衆甫梓潼人高志氣

薛伯高同郡人好讀書號爲長者後至尙書丞

張宣力清河人儒善後表其名去力但爲宣自元均至宣

力皆沒沒無顯仕者

孤宗元曰先君之所與友凡天下善士舉集焉信讓而大顯道博而無雜今之世言交者以爲端敢悉書所尤厚者附茲石以銘于背如石

故殿中侍御史柳公墓表

唐貞元十二年二月庚寅葬我殿中侍御史河東柳公於萬年縣之少陵原公諱某字某邑居于虞鄉曾王父某官工父某官皇考某官奕世餘慶叢而未稔濟德流祉其後宜大秀而不實爲善者惑嗚呼哀哉惟公敦柔峻清恪慎端莊進止威儀動有恒常英風超倫孤厲貞方居室孝悌

與人信讓當職強毅游刃立斷自少耽學頗工爲文既窮
日力又繼以夜鄉里推擇敦道上道乃與計偕來游京師
觀藝靈臺貢文有司射策合程遂冠首科休有今問羣士
羨慕居數年授河南府文學教勵生徒選擇貢士儒黨相
賀庶人觀禮秩滿涓北節度延爲叅佐總齊軍政甚獲能
稱加太常寺協律郎既喪主師罷歸私室方將悅遺紛埃
退與道俱冲漢保神優柔隸儒四方聞風交馳鴻書載筆
乘輶乃作叅謀出入朔方陪佐戎車遷大理評事又加章
綬朱裳銀印宗黨有耀權略密勿潛機埋照完彼亭堡時
其講教實從我謀鄰國是傲改度支判官轉大理司直出
納府庫頒給軍食下無餽歛黔首休息月梭歲會莫不如

書庫豐財羨制成計得又遷殿中侍御史度支營田副使
分闡之寄叅制其半柔以仁撫剛以義斷戎臣坐嘯公堂
無事朝廷延首方待以位既而祿不及伐水政不獲專達
以其年正月九日遇疾終于私館享年五十嗚呼痛哉奔
驥騁力中塗蹠足高鴻輕舉在雲墜翼凡我所知哀慟無
極本道節度尙書珣寧王張公震悼涕慕不任于懷臨遣
牙將試殿中監李輔忠監備凶禮賙賻甚厚行軍司馬侍
御史韋重規等匍匐救助事用無闕丹旒素車歸于上京
撰期定宅莫有愆素故友諸生宗人外姻號慟會塋哀禮
咸申克窆元堂掩坎廣輪顧盼無依徘徊增哀願勒休聲
延垂後賢于是汝南周公巢等相與琢石書德用圖不朽

文曰

抱元淳稟粹和既強毅又柔嘉登儀曹耀文章司學徒儒風揚自渭北佐朔方戎政閑黔首康冠惠文垂衣裳才不施天茫茫刊樂石篆遺德延休烈垂憲則於萬年長無極

故叔父殿中侍御史府君墓版

柳氏之先自黃帝及周魯其著者無駭以字爲展氏禽以食萊爲柳姓厥後昌大世家河東嗚呼公諱某字某曾王父朝請大夫徐州長史諱子夏遺貞白之操表儀宗門王父朝請大夫滄州清池令諱從裕垂博裕之道啟佑後允皇考湖州德清令諱察躬宏孝悌之德振揚家聲惟公端莊無諂徽柔有裕峻而能容介而能羣其在閨門也動合

大和皆由順正愷悌雍睦莫有聞言故宗黨歌之其在公門也釋回措枉造次秉直事不失當舉無稅政故官府誦之用冲退得盡之志以安正友道信稱於外焉用柔和博愛之道以視遇孤弱仁著于內焉此公修己之大經也自進士登高第調受河南府文學秋滿渭北節度使論惟明辟爲從事受太常寺協律郎元戎卽世罷職家食無何朔方節度使張獻甫辟署參謀受大理評事賜緋魚袋改度支判官轉大理司直遷殿中侍御史加度支營田副使此公從政之大略也既佐戎事實司中府匪頌有制會計明白嗚呼分闡委政繫公而成務朝右虛位待公而周事宗門期公而光大姻黨仰公而振耀貞元十二年歲在景子

卯文

卷之十二

十

正月九日壬寅遇暴疾終于私館享年五十痛矣夫人吳郡陸氏伯仲弟綜季弟續家姪某等抱孤卽位率率備禮祇奉裳帷歸于京師以某年二月二十八日庚寅安厝于萬年縣之少陵原禮也公有男一人始六年矣在髫知孝呱呱涕洟凡我宗戚撫視增慟嗚呼哀哉初公元兄以純深之行端直之德名聞于天下官至侍御史持斧登朝憲章肅清常以先公之神未克遷禱不正席不甘味及撰日定期而昊天不弔志奪禮廢公實敬承遺志行有日矣而閔凶荐及不克終事則我宗族之痛恨其有既乎惟公盡敬于孝養致毀于居憂表正宗 姓觀示他族故宗人咸曰孝如方輿公修詞以藻德振文而凜志以爲理化之始莫

尊乎堯作堯祠頌以爲述德之作不忘於祖作始祖碑以爲紀廣大之志叙正直之節不嫌于親作元兄侍御史府君墓誌其餘諷詠比興皆合于古故宗人咸曰文如吳興守常官貞固確乎不拔持議端方直而不苛故宗人咸曰正如衛太史率性廉介懷貞抱潔嗣家風之清白紹遺訓於儒素故宗人咸曰清如魯士師兼備四德具體而微公之謂矣小子常以無兄弟移其睦於朋友少孤移其孝於叔父天將窮我而奪其志故罔極之痛仍集焉樸魯甚駭語駭不能文字敢用書宗人之辭以致其直故質而俚輟哭紀事哀不能文故叙而終焉

故宏農令柳府君墳前石表辭

少陵原柳氏之大墓唐貞元十九年某月日孤某奉其先
府君洎夫人之喪附于其位由新墓而南若干步曰高祖
王父蘭州府君諱某字某之墓又東若干步曰曾祖王父
邠州府君諱某之墓西若干步曰祖某王父司議郎府君
諱某之墓咸異兆而相望昭穆之有位序壤樹之有豐殺
皆如律令府君諱某字某山父任爲太廟齋郎更許昌陽
武伊闕華原尉王屋丞汝陰令爲宏農二年推其誠心裕
于其人闕土生穀若有天相之道衣食給足故人不札天
教厲明具故俗不爭奪遂以洽于大和事理克彰刺史盧
杞加禮褒旌考績絕尤推君之政風于下邑命爲吏部尚
書郎庾河南受命黜陟狀君理績殊異宜升天朝帝有歎

焉方圖優昇命用不長年五十五建中二年某月日卒于
官以其素廉家之蓄不足以充凶事遂殯于是邑仍會危
難至于今乃克返葬孤某嘗爲黔州錄事參軍今無祿仕
而志不敢緩初公娶司農少卿京兆韋山之孫涇陽主簿
迴智之女德容溫良大曆二年某月日卒于越而假葬焉
孤某徒行自越舉夫人之喪至于號舉宏農君之喪咸至
于墓窆音破焉既窆立石表于墳前示後之人以無忘孝敬
嗚呼世有難仕于外而葬其族者希矣孝子之心有待駟
馬五鼎而卒不至者焉若今之殺衣黜食寒妻子饑僕御
終身由之而志益不懈爲旅人徒踈萬里以厄困終事孝
之難者歟五十而慕者舜也祿千鍾而悲者曾子也聖且

柳文 卷之十二
賢難之若是今之人有由其道者得不立於世乎


志從父弟宗直殯

從父弟宗直生剛健好氣自字曰正夫聞人善立以爲已
師聞惡若已讎見佞色諂笑者不忍與坐語善操觚牘得
師法甚備融液屈折奇峭博麗知之者以爲工作文辭淡
泊尙古謹聲律切事類撰漢書文章爲四十卷歌謠言議
織悉備具連累貫統好文者以爲功讀書不廢蚤夜以專
故得上氣病臚脹奔逆每作害寢食難俯仰時少間又執
業以興呻痛咏言雜莫能知兄宗元得謗于朝力能累兄
弟爲進士凡業成十一年年三十三不舉藝益工病益牢
元和十年宗元始得召爲柳州刺史七月南來從余道加

瘧寒數日良已又從謁雷雨塘神所還戲靈泉上洋洋而
歸卧至旦呼之無聞就視形神離矣嗚呼天實析余之形
殘余之生使是子也能無成是月二十四日出殯城西北
若干尺死七日矣俟吾歸與之其志具殯

桂芬

卷之二



Faint, illegible text or markings within the smudged area, possibly bleed-through from the reverse side of the page.

